

箕子誌

二





箕子志卷之四

賦

使朝鮮賦

董越

墓在兎山維城乾隅有兩翁仲如唐中裾點以  
爛斑之苔蘚如衣錦繡之文襦左右列以跪乳  
之石羊碑碣馱以昂首之龜跌爲園亭以設拜  
位累亂石以爲庭除此則其報本之意雖隆而  
備物之禮亦疏也

新大順

有商之衰兮大道沉淪女戎煽處兮積粟成塵

之忠誠兮荃蕝蕝予無聞比干諫死兮一何時  
運不疚也微子去之兮獨申誥乎曰師曰父也  
義隱晦而自存兮子寧不於此而善處也嗟大  
廈之旣傾兮豈弱木之可支也曰膏肓其已深  
兮又焉用夫良醫也邦之濟可立俟兮甘鴆毒  
其如飴閹宗社之不血兮吾復捨此而何之乃  
不臣乎有周兮獨吾君其君也敷洪範而錫君  
民兮曾何獨善其身也義可圖存其祀兮盍忍  
爲其奴也雖然胙土而分茅兮寧不爲宗國而  
一吁也有截平壤有嚴其都我受我封我東曰



徂八條爲教兮亦何有於爲國也民到今受其  
賜兮宛遺風其如昨家禮讓而俗雍熙兮以耕  
以鑿伊三仁之去就兮孰重輕而厚薄人自靖  
而自獻兮安所遇其若茲覩夫子之遺祠兮起  
千載之遐思倘非夫子之在吾東兮孔聖何以  
曰居夷順其志同歸仁兮吾信夫太白之碑也  
猗歟先生之有賦兮吾將求之黃絹幼婦之辭  
也

謁箕子廟賦

并序

王敬民

盖余爲河南西華人云西華故箕地初聖師食

采於箕故稱箕子今邑中有箕子臺巍然學宮  
之後臺之端有洪範堂木主設焉春秋寔俎豆  
之其所從來長遠矣余弱冠讀書其中每繹範  
旨輒低徊興感於千百載之前而有餘思曰此  
聖師初封國也卽其後封朝鮮縣隔萬里然故  
枝首丘神將往來其間而彷彿志吾羹墻末可  
知也實不謂奉 上命如今日躬詣東藩以播  
詔勅而獲瞻其廟貌如親見之謂爲氣之相  
感而數之不偶非耶且遺化猶存其國之君臣  
率能秉禮惇信而世爲東藩又余所樂道者于



是箕廟賦作焉恭承 天辟之休命兮播尺一  
於朝鮮震符啓而解澤流兮歷東徼而究宣紛  
遺俗不殊函夏兮郁爲垂其綿延卽沐大造而  
砥厲兮遺教實遵乎仁賢用是追大人之遐軌  
兮忽感乎蒙難而逃遭當狡童悖亂此天道兮  
謂生不有命在天旣昌被而不用聖言兮珍異  
好四方其益堅傷進死僅命而無益祀兮又奚  
忍蹈興亡吾國之愆恐不祥之爲我累兮適梅  
伯監而足憐保明哲與之俯仰兮被髮佯狂而  
爲之奴昏不邪而隕不息兮正大易之明夷而

莫之渝終不揆余之中情兮時托琴以自吁及  
天命之既改而訪於周武兮將序倫立法之是  
圖陳洪範而皇極建兮與大禹之所叙而同符  
闡幽微宏深之經言兮固受聖而以謨封朝鮮  
以示不臣兮俾東民其咸蘓撫平壤而光宅兮  
盡海表而式孚惟宗社之永以續兮儼開域而  
稱孤德無陋而人無遠兮導殊俗而改趨風振  
達而禮義遵兮夫惟聖師之故也業迄茲而光  
且美兮承而不能舍也曰踵武而長終兮歷億  
載而惟此度道化垂法何炳以晬兮迥濶循軌



而益內附帝寵嘉而德恩洋溢又申之以詔  
諭俾東國知皇朝之兼容兮雖日際而罔弗惠  
顧余簡日而謁款箕廟兮念枌榆而憬然如寤  
厥主巍設於正位兮斯宇實顯敞而寡仇荷梁  
薨如飛虹兮羌居楹而彫璆列左城右平之嚴  
以正兮土木被緹繡而光流棟雲遠飛接於白  
嶽兮繚繞攬澄江之悠悠基實奠玄菟之奧區  
兮階翬栢其長畱功德崇報於千禩典迄今而  
益周余歷茲而延佇不能去兮奠椒漿而薦珍  
羞結微情以陳詞兮穆將愉兮靈魂願顧余以

來格爛昭昭乎如存夫孰非心之可感兮孰非  
諒余之虔假湓我潛迪兮庶舊學服而益有悟  
於經言亂曰幸矣哉夙慕箕城猶萬里遠兮謁  
祠下而形神依稀兮余爲箕城之後人知居歆  
其庶幾兮

李平珥

平夷是箕子故都立廟妥靈春秋必祀而西華  
是箕子始封之地亦有祠揭虔無間海內外焉  
皇明萬曆十年冬給事中徹吾王先生奉命宣  
詔于我國先生是西華人少時鍊玉于洪範堂



細繹疇範之旨薰沐仁聖之澤素矣今於萬里  
之外適到箕子之邦瞻仰廟貌徘徊興感遂賦  
陳其事一筆轉環不加點綴而辭富旨遠尊賢  
慕古之意溢於言表況我東人受聖師罔極之  
恩遺風舊俗髣髴猶昨其可無辭以揚休烈乎  
茲敢不揆荒拙次韻以呈

夫何明宮之爰業兮耀朝輝而色鮮肅將禮而  
敷衽兮邈人文之始宣昔玄鳥之啓商兮迄帝  
乙而祚延咸明德而慎罰兮君六七兮聖賢何  
期獨夫之恃命兮蹇君子兮道邇結怨毒兮謂

無傷曾不念獲戾于上天  
憶太師遭此明夷兮  
抱難貞而彌堅  
豈不知反覆而熟諫兮  
恐我辟之彰愆  
豈不知高逝而行遯兮  
憫靈修兮誰憐  
肆內明而外晦兮  
甘隱忍而爲奴  
炳丹心兮獻于先王  
勗自靖兮之死不渝  
如林之衆一散于牧野兮  
羌自絕兮云何吁  
覽武烈于湯有光兮  
不授法而何圖  
諄諄洪範之旣陳兮  
前後聖兮一符夫孰知  
八百之姬業兮  
寔鞏基於嘉謨  
念周德是天所輔  
今民相慶於來  
蘓顧余志罔爲臣僕兮  
指九天而爲乎一葦兮  
汎汎渡海敢辭



夫投荒而跡孤王乃敬賢而表忠兮不拂于夫子之所趨畫朝鮮而建國兮夫惟不臣之故也君子居兮何陋蒞殊域兮不忍捨介鱗兮易以衣裳蚩蚩兮繩以法度政以德兮化遠聲海隅兮歸附撫檀君之幅員兮教八條兮勤諭煥禮樂兮軼華夏民至今猶受惠甚燭龍之照昏兮覩大寐之得悟世綿歷兮千祀德厚流光兮其誰與仇曰皇華起敬於祠宇兮佩璫鳴兮琳璆云是箕城之秀士兮風涵泳兮澤流西華平壤不知幾千里兮想彼此兮思悠悠神之格兮如

水在地奚必此道之獨留遺眠瞻玉節而增惻  
兮相排擁乎道周酌瓊漿兮椒醕採蘋蘩兮爲  
羞靈風至而颯然兮彷彿兮迎我聖魂陟降兮  
焄蒿悽愴豈無不亾者猶存嗟漢使之揭誠兮  
導邦人以益虔永世相傳而不亾兮尤有感於  
敷陳而直言亂曰噫嗟嗟君子守身之經兮樂  
行憂違猶歟夫子之達權兮孰敢望乎依侑欲  
鑽仰兮何由在極深兮研幾

詩

附五言

倪謙



太師埋玉此山深欲奠椒漿試一斟存祀應同  
微子志安仁卽是此平心墓臺雲暖蒼松合翁  
仲春深碧蘚侵聞說東人崇報本歲時祠享望  
來歆

洪範敷陳發禹疇萬年聖學啓宗周肯因淪喪  
爲臣僕甘忍佯狂作繫囚新廟松蘿常鬱鬱故  
宮禾黍自油油我來拜謁頻增感遺化漸濡遍  
海陬

司馬恂

西周曾作帝王師封國遙居瀚海湄忠義肯同

微子去仁心惟有仲尼知一篇洪範垂經訓千  
載朝鮮享舊祠趨拜門墻儼如在徘徊佇立起  
遐思

祈順

被髮佯狂豈爲身忍看家國遽沉淪平生方寸  
誰能會孔氏三仁語最真

宗祊顛覆力難支強把瑤琴只自悲一曲清歌  
欲流涕故都回首黍離離

直諫無能悟獨夫明夷心事有誰知九疇不向  
周王授後世何由識洛書



東藩制度舊封君千載遺風尚禮文欲吊英靈  
何處覓淡烟荒草鎖孤墳

陳嘉猷

炮烙烟飛王氣衰佯狂心事有琴知言垂千載  
存洪範人到三韓謁舊祠地老天荒名不泯風  
清月白鶴歸遲東藩自是分封國民俗依然似  
昔時

張 珽

一朝佯狂豈背親的知天命已遲殷道傳洪範  
曾何隱士昨朝鮮竟不臣立教無前身作古報

王 敞

眼看九廟便淪污萬國嗷嗷悲獨夫但使一言  
能悟主敢論諸父久爲奴下車見訪周王日洪  
範聊陳大禹謨一脉斯文傳海外肯騎玉馬過  
東都

拒諫荒淫不忍聞幾年縲紲敢忘君鉅橋有粟  
嗟誰食寶玉空衣帨自焚一木豈能支大廈九  
疇何幸託斯文武庚他日還螯粉始覺伴狂誤  
老臣

昧爽前徒忽倒戈三分天下盡消磨新封遠賜



朝鮮地故國空遺麥秀歌青史大名垂汗簡碧  
山古廟偃松蘿勞勞今古多成敗閒看江雲逐  
逝波

唐 臯

一拜堂封思不任三千年裏幾知心韓公山斗  
人皆仰直以雄文耀古今

謾道歸周末齒任一篇洪範已傳心不臣自是  
周王禮虛被頑名直至今

曉出城南門九一見形制秦令如牛毛阡陌猶  
不廢

一徑八松林歇馬拜墓臺高山夙仰止使節今  
初來

崇祀近檀君春秋繫牛豕八條今幾存東國尊  
化理

朝鮮此西京箕子有遺響

史道

支頽一木力難任幸得批鱗未剖心要識存商  
無限意只今助法尚傳令

登登山路馬能任一瓣香儀展此心聞說八條  
當日教東人猶守到如今



制廢井闢存我見生感慨井上有人家不知井  
內外

化鶴幾千秋歲時享邊簞人民半是非城郭尚  
依舊

龔用卿

貴戚思存社稷深獨夫作孽已昏淫人知周室  
下車訪誰識當時被髮心師渡孟津空一戰道  
傳禹範續餘音松蘿掩徑遺祠古一薦江籬酒  
滿斟

青山芳綠苔封壤築高臺使車一瞻拜蕭瑟悲

風來

古廟蔓藤蘿屹立檀君右丹青儼如故春秋薦

椒酒

南郭分阡陌田區劃井中至今平壤民猶識商

家風

吳希孟

古廟荒臺沒松風處處浮忠言餘象箸道學見  
龜疇日暖春常在山明翠欲流萬家燈火夜啼  
鳥半江秋

落日春風裏微烟鎖暮塵餘波流絕島精氣貫



千春地勝雲當戶  
堂虛月作隣  
佯狂儼廟貌  
功烈蓋三仁

道骨埋荒塚  
寒泉繞石臺  
松風清夜響  
應識度魂來

東國仰封澤  
春秋享牢豕  
外王八條治  
內聖九疇理

華察

寂寞荒祠感慨深  
清風千古激貪淫  
若爲隱忍不同死  
須信佯狂獨苦心  
道在九疇非曲學  
詩成三嘆有遺音  
行人莫問興亡事  
潦到新亭酒

謾斟

春荂封青苔短碣倚荒臺九原如可作清風百  
世來

敬瞻百世師如在吾左右忽憶殷三仁臨風再

醺酒

我聞千載上仁政九區中東土存遺制依然三  
代風

王敬民

大同館北雲霧收箕子舊邦盡平疇統并周家  
人百曆塚畱嶺畔三千秋題詩峨峨有石碣凌

空鬱鬱交松楸往在箕城謁祠下

西華故箕城

辦香

展拜來邀陬

大同江之元渙水周示不臣封箕子

王栢

不彈箕子操不調離騷聲安得夔典樂天下終

和平

李亢弼

海東有國宗殷箕文風亘古光璧奎

宋應昌

夫子懷明德生而遇不辰爲奴非避禍諱過乃



全仁疇範三才備身名百代新卽今恢復國猶  
自顯經綸

自廢非常調從權身中清佯狂暫時事忠譽百  
年名帶礪承周祜封茅守世盟慇懃酌盃酒灑  
泣見吾情

朱之蕃

箕封舊俗惟耕稼有事西疇正及春阡陌未開  
遺制在民需潤澤國當新

崔廷健

身爲斯人愛道將用晦存歸周開日月渡海關

乾坤今古倫常主華夷治教尊明宮嚴萬祀澡  
滌薦蘋蘩

程龍

皇華過此筆如峯下拜抒誠詩句窮賢聖心同  
明月皎松邱古墓大文宗

李堦

殷恪於周已作賓漸漸麥秀獨傷神三韓未屬  
周天下被髮東來定不臣  
洛書敷陳道已傳更爲八條化朝鮮東人報答  
知無替遺廟千年尚儼然

盧公弼

三人趨向不相倫畢竟同歸一箇仁  
菹醢豈應時有補凶奴終恐國無人  
西周秉鉞寧爲僕東土分茅永作賓  
千載八條遺範在至今蕉荔報明神

荒涼松檜掩寒雲千古斯人揖盛芬  
象箸預愁珍味進膏銅忍見虐炎焚  
殷宗旣屋無歸處吾道將東未喪文  
當日黍離悲古國至今遺恨不堪聞

郭永錫



何事佯狂被髮爲欲將殷祚獨扶持去之祇爲  
身長潔諫死誰嗟國已危魯士一邱松栢在忠  
魂萬古鬼神知晚來立馬朝鮮道髣髴猶聞麥  
秀詩

黃洪憲

投荒豈意作王賓麥秀歌殘廟社湮憂國忍甘  
先遜迹剖心何益更批鱗商彝周鼎滄桑盡禹  
範箕疇汙竹新東土衣冠風教在停驂吾欲薦  
繁蘋

玉杯象箸烟幾先去國批鱗有二賢忍死力難

回白日佯狂心可質皇天故宮禾黍秋雲外遺  
井邱墟落點邊何處好聞箕子操松風蘿月瀉  
鳴泉

薛廷寵

被髮當年意獨深遜荒無奈錮驕淫道如有待  
傳皇極事已能爲白此心殷室三仁昭定論東  
方八條振遼音興亡不盡前朝恨再拜芳祠酒  
一斟

朝鮮元是商周國畫野分明井地中我亦過滕  
兼適帶荒區無處問遺風

一種青山翳綠苔  
路人指點最高臺  
云是商家箕子墓  
使車迢遞上山來

江城吊古訪箕祠  
下馬踟躕循階右  
松風忽忽作琴聲  
怨恨分明語池酒

私田環其外公田  
在其中公私各有界  
何事有貪風

元天錫

恭惟天子重東方  
命號朝鮮理適當  
箕子遣風將復振  
必應諸夏競觀光

海東天地更清寧  
民變時雍樂太平  
箕子淳



風將益振朝鮮雅號復頒行

鄭夢周

箕子以明夷萬世訓皇極

李崇仁

臺山山下碧松陰 箕子祠堂靜且深  
洪範九疇敷帝訓遺風萬古感民心  
鬼神呵衛森如在 蕉荔芬芳想必歆  
多少垂人類問訊悄然東望每謳吟

權近

行尋微徑陟孤峯墟墓荒涼對碧松  
鳳去高岡

嗟已遠鱸橫白水竟難容明夷正志能全道洪  
範敷言孰繼蹤屈節小邦宗祠永盛心非是要  
侯封

許琮

瑤琴一曲意何深可忍君王恣酒淫麥穗殷墟  
空慘目茅分海國肯甘心書陳八政思傳法名  
列三仁遇賞音日暮空庭山雨下只將明水喚  
人斟

孤忠終不向西朝盛德長爲萬世標古碣倚山  
微有字寒松溜雨半無條崗巒斗起傳名鬼草

棘叢深不萃鶉擬作廟中迎送曲臨風不用楚  
辭招

處身皆是壓卑污可惜佯狂作匹夫隱忍苟存  
非愛死彷徨不去任囚奴明夷在易成爻象皇  
極終天炳聖謨餘業未能傳萬代江山空自說  
西都

三仁行跡聳前聞惻怛應同各愛君四海有心  
歸聖德一身無力救兵焚八條教法能傳世萬  
古遺風煥有文大道在余寧可泯受封非是作

周臣



由來哲婦作千戈  
嚴鑒分明久不磨  
終古有人悲曲操  
至今無酒酹朝歌  
新祠是處羞蘋藻  
故國遺墟長荔蘿  
想見當年無限思  
繞城唯有水生波

徐居正

邦國興亡繫一身  
玉杯其奈竟商淪  
可憐諾諾敷心處  
歷歷忠誠已露真

大廈元非弱木支  
三仁心力可堪悲  
東韓蕉荔千秋祀  
寂寞殷墟草自離

直以忠言忤一夫  
操琴幽憤可何如  
九疇一爲

周王授千聖相傳自有書

分茅東土後檀君禮樂詩書繁有文萬古朝鮮  
民受賜一杯聊復酌孤墳

白魚當日瑞周王殷土茫茫社已亾洪範彝倫  
明日月朝鮮茅土有金湯八條美俗檀君後九  
尺遺墳淚水陽丹荔黃蕉千載袍空令過客爲  
悲傷

金安國

傷痛殷宗覆暴昏東來猶爲化蛙蜢千載故國  
無徵迹只有當時畫井痕

西都雜詠詩

金麟厚

檀君生有異箕子教無窮并畫存遺制科條  
革舊風流匹聞衛滿屈起說朱蒙俎豆初循禮  
弓矛後尚戎漢皇開樂浪唐室置安東錦繡峯  
巒麗綬羅島嶼雄兎山荒草樹麟窟暗蒿蓬石  
沒朝天迹巖專捍水功沮江誰作鎮龍堰謾成  
宮不復臨長樂山河繞永崇

李晬光

海外分封示不賓八條餘化未全湮故都禾黍  
空成穗遺廟松杉老作鱗義炳君臣天地大心



傳疇範日星新千年俎豆應無替山有春薇澗  
有蘋

鄭經世

吾祗能令右公車孰使東都行夷不陋仁遠國  
還空何者非天意無然怨牧宮千秋禮遺廟衍  
禰聽陳洪

鄭斗卿

亳社歸玄鳥河舟見白魚還將八條教來作九  
夷居海外無周粟天中有洛書故宮今已沒禾  
黍似殷墟

鄭惟吉

自靖曾中定是非不爲王子不爲微狡童智辨  
真無用何事謀臧卽具違

一坏邱土不臣周喬木縱橫認舊疇每來彷彿  
不忍去傍人謂我有何求  
身是忠臣跡是奴國公何地駕言徂東來舊抱  
憑誰問一丘歸心在亳都  
八條遺教奠民居心法元從授聖餘野老豈知  
尊舊井鋤犁徃徃入荒墟

李荇

諫君存祀兩難任誰識三仁只一心設教有條  
田有助東民受賜到于今

洪範彝倫已自任佯狂當日若爲心東方元是  
不臣地忠義遺風畱至今

李珣

東土當年建國賓邑居依舊井田湮曾將疇範  
傳華夏更把衣裳變介鱗仁列三賢遺訓炳澤  
流千載耿光新皇華起敬增淒感日暮悲風滿  
渚蘋

玉馬東來啓我先嘆深微禹仰仁賢敢將韜晦



爲身地祇是艱貞不愧天故墓淒涼寒樹裏明  
宮翬映曉雲邊遺風舊俗今猶在惆悵無因作  
九原

世遠人亾澤未收井田尚辨東西疇淒涼遺老  
誦八教繚繞荒城經幾秋闕殿嵬峨奉香火佳  
城蕭瑟鳴梧楸天遣皇華肅將禮更御聖化宣  
東陬

申光漢

明夷爲易範爲書誰指三仁更及予命自靡常  
嗟已矣道堪相授敢藏諸今來古廟存瞻想絕

勝陳編謾卷舒東土只今猶祀事儒仙千載爲  
躊躇

天命吾無奈殷宗喪本支未應思授聖非故欲  
居夷自靖知能斷先王恐不貶應堪難集蓼誰  
復悶遭時古廟今荒矣何人更取斯石麟苔剝  
落山鳥響參差獨有深仁在東人永繹思

藤蘿爲蓋古祠深荔實椒漿祠豈滛周武甬時  
能受法魯儒常日是知心八條有教空遺愛千  
載無人更賞音惆悵未施皇極用衢尊那復往  
來斟

欲獻先王靖自持鳴琴誰識我心悲歌成故國  
漸漸麥明盡東方種種夷

離明八地中洪範落泉臺不有當時德今誰薦  
祀來

神依古洞深靈風常滿右八條世世欽九歌村  
村酒

崔淑精

烟紅炮烙萬方離有意爲奴世莫知千聖傳心  
九疇在三韓遺化八條垂孤城自是分封地古  
墓空餘紀績碑拱木生陰宿草盡春風過客不



勝悲

鄭士龍

周命維新商運終縲囚纔釋卽分封八條祗得  
開荒僻九類何曾見變雍故國夷墟悲黍麥斷  
碑橫草吊寒蛩魯儒不顯心中事誰并三仁誰  
舊踪

魏時亮

禹範畱西土先生獨向東道無浮海嘆義與采  
薇同舊井存殷畫舁冠尚古風吊懷如有見白  
馬下天空

韓世能

誰悟當年象箸非孤臣忠諫自幾微丘糟林肉  
終昏酒無奈佯狂心事違

夏衰殷廢又興周一點天心在九疇不是先生  
身不死何人指與下車求

傷心牧野釋囚奴麥穗漸漸運已徂只向海邦  
流聖澤不騎白馬過西都

東邦禮義復安居世守先生道化餘堪嘆井田  
猶有在紛紛阡陌幾成墟

李敏求

箕子墓門秋日鮮行人灑淚石羊前周邦運啓  
仁賢去孔壁書開大法傳江上閭閻通御井城  
邊經界辨公田殷墟麥秀休深恨此地蓬蒿又  
幾年

車天輅

晚出含毬覓井田至今遺跡仰仁賢立圭軒帝  
分州制畫壤朝鮮建國年已用九疇遵禹貢詎  
知三變決秦阡東韓禮樂衣冠俗聖化千秋萬  
古傳

百尺寒泉澈地清汲汲分碧轆轤聲一杯頓解



相如渴却想衢尊酌萬生

百世師先聖千年國故墟  
明夷傳易繇洪範入周書  
古墓殘碑在荒山古木餘  
淚水流不盡遺化共何如

崔鳴吉

道啓陳疇日心驚建丑辰  
殷墟空灑涕鰈域竟歸仁  
香火祠堂舊丹青畫像新  
明夷看苦意千載重沾巾

梁慶遇

箕聖西來自君臨析木墟  
殷猶存禮樂周已泯

車書舊國千年後荒墳四尺餘忠臣與孝子遺  
化此何如

趙綱

周僕于周志乃伸佯狂還合齒三仁公陳洪範  
心無我何陋東夷德有隣六七王風吹海日五  
千殷師作鮮民至今報祀修丘隴白馬威儀若  
隔辰

李景奭

不敢私疇範東來啓我民佯狂終見儀先聖并  
稱仁周自三千士殷猶半萬人西行想白馬吊

古倍傷神

梁有年

千載箕封幾變遷  
宜民古法至今傳  
淳風猶自存耕鑿  
不問河源問井田

楊道寅

冽泉深處水晶寒  
水雪凝來一樣看  
夜靜聲涵千古月  
至今遺澤猶堪飧

俞泓

事隔千年只一朝  
依然廟貌想高標  
春苔雨長侵碑色  
雲木風低八戶條  
中土未回浮海轍  
好



集子

卷之四

音會變食桑鶚楚些題罷增悒悵萬古英魂不  
敢招

洪 暹

仁賢畱美化撫跡正潛然松老皆成蓋碑荒不  
記年九疇書獨在千里士閒眠萬古椒漿奠何  
曾報滴涓

洪 逸童

當日三仁共一心圖存宗祀計何深蒼姬八百  
由天啓治亂興亡自古今

張承憲

曾於洪範讀遺書沉溺詮言未啓予今日丹青  
窺廟豹他年歲月嘆居諸

聖朝皇極中天運海國文風編地舒最是昔賢  
畱大業辦香瞻禮獨躊躇

商道淪亡日羣公盡不支先生獨隱忍用晦在  
明夷陳範他時事開疆聖主貤公非先著意道  
自有存時百代源流在千秋享祀斯墓臺連歲  
月松栢長叅差再拜遺丘下令人起永思

蘓世讓

炮烙煙飛惡更深顛濟天已厭奢淫可憐宗社

圖存日誰識先生不去心  
墓表歲荒松送籟祠  
庭風暖鳥和音東人世世薰  
遺教香火春秋桂  
醕斟

沉痾成來日亦深玉杯其奈  
啓妖淫共回天命  
雖無策自獻先王各有心  
洪範教存人起敬古  
祠春遠鳥遺音東方蕉荔千  
年祀長把香醪滿  
罍斟

金時習

古廟丹青剝尊崇歲月淡堪  
嗟顛社日可忍不  
臣心嚴位裝香火雕珉記德  
音至今民仰慕蕉



荔獻誠忱

峨峨陵墓壯寂寂有松楸八教垂千古三仁竟  
一邱草生翁仲沒花發鬣封幽往事無因問孤  
城暮靄收

南孝溫

六百年華瞥眼過商王元子痛亡家要知陳範  
非吾意爲見漸漸麥秀歌  
自毫功衰王業淪白頭無計復家門都將積累  
成湯業說與邵侯末葉孫  
周王革殷急賢良首就箕子訪民瘼

周王義不臣箕子

武王不憎受成湯豈怒周二家革命間聖人無  
怨尤狡童逞驕淫不我聽嘉猷家亾道不亾爲  
周陳九疇洛書道有傳彝倫明九州乃知道公  
器傳授無親讐

故都麥漸漸沮江流悠悠田間遺井劃大野桑  
麻稠人厖物情孚至今禮樂區西遊謁祠宇神  
靈儼若留

金尚憲

太師遺風千古傳太師子孫多才賢

朴瀾

周家井制出鄒賢猶是其詳不得傳試向含秘  
門外望平郊十里卽商田

金履九

義難爲僕雖東奔道不終湮乃有言天下尚傳  
洪範訓海隅猶見井田痕蒼蒼墓木多松栢濟  
濟齋儒半子孫衣冠遺風皆自此至今人說小  
中原

洪秉詰

身因官職到遯鄉箕子廟前拜奉香遺像千



箕子記卷之四

秋人感慕高名萬代世推揚仁聲上古和風蕩  
治化西方晶日長欽仰微忱杲又切翊餘敢賦  
一篇章

周倬

箕子遺風久不休

蘓軾

天其以我爲箕子

黃廷堅

師臣論九疇

河水問九疇

趙孟頫

箕子之裔多髯翁

蓋指餅干樞也

金祖淳

信美蒼光麓巋然數計宮父師如不國吾屬幾  
爲戎歲月愆疇邈山川易世同勗哉箕土士好  
德尚遺風

楊澤九

傳道演疇意明夷罔僕心不幸是吾幸東人受  
賜深

懇懇詩書教彬彬禮樂新茲居何陋有九部亦  
殷民

箕子

志

卷之四

無名氏

奢侈田來國必亾君心一啓固難防孤忠直欲  
扶宗祀還見幽囚故作狂

隱忍援琴獨自悲艱貞却得處明夷欲知當日  
爲奴意請看宗元換廟碑

趙鼎淳

史無箕子受封文却謂周封而不臣旣爲不臣  
又朝覲同爲臣僕是何人

箕子朝鮮本孤竹夷齊隱處亦朝鮮仁賢清聖  
往來跡李渤質言應信然



東國光華得箕子首陽證據又唐賢假令三聖  
不東渡孤竹在遼遼亦鮮

箕子志卷之四

箕子志卷之五

辭

陳鑑辭序六月謁箕子也周封箕子朝鮮而不臣  
之東人尊之爲始祖而世享厥祀焉

維此六月我來自東適子之館分曷不肅雍

彼君子兮商之孫子王之蓋臣其德靡悔

咨爾殷商歟怨以爲德小大近喪曷其有極

國步斯頻其何能淑不殄心憂進退維谷

是用大諫聽我囂囂威儀卒迷勞心忉忉

假哉天命乃眷西顧多我遘瘡則不我助



維此聖人黽勉求之民之秉彜其誰知之  
先民有言有物有則以矢其音古訓是式  
肅肅王命保彼東方我客戾止至于海邦  
遂荒大東萬民是若順彼長道俾民稼穡  
享祀不忒匪今斯今寢成孔安以慰其心  
高山仰止其詩孔碩神之聽之亦不夷憚

六月十二章章四句

高閨辭序武王克商封箕子於朝鮮先儒謂其傳  
道則可仕則不可萬世之公論也敬掇拾爲辭  
以致景仰之意丁丑之歲季夏之時枉朝鮮之

駕求箕子之祠焚香下拜佇立觀碑方紂之不  
辟肉林酒池嚴刑後服象箸玉杯縱妲己之欲  
賜雷開之珠鉅刀爲鈍椎劍爲雌魚目混珍丹  
砂爲泥薺菽是佩蘭茝則非仁不可化義不可  
持知不能入禮不能拘比干諫死微子去之操  
剗鬪而莫用舍規矩而焉施佯狂被髮受辱同  
危仁者之志君子之爲及周之受命奄有萬國  
雖釋其囚曷爲其僕雖被其封罔食其粟道爲  
師法授聖闡龜文立民命三綱五常臣職君柄  
日月星辰休咎感應徵用惡極勸用福慶禹疇

復明治道其盛美不合於一人幸有功於萬世  
生而尊榮沒而存祀雲山嵯峨風水流逝春雨  
秋霜猿聲鶴唳怙恟恍其興懷跪陳辭而掩涕  
王事驅馳天涯歸去喟興亾之係人長矯首其  
慕乎忠義

董越辭序墓在平壤城之西北隅予自東國歸取  
道展拜時風雨淒迷不覺使人有泫然意蓋秉  
彝好德所發非強勉也因為辭三章以予云雲  
冥冥兮樹陰雨濛濛兮山深憇驂駢兮中路瞻  
埋玉兮遙岑石粼粼兮苔蘚侵一瞻拜兮淚霑



襟慨斯情兮曷以不少間兮古今吁嗟不死兮  
維人之心

屹屹兮幽宮胡爲兮自東肇我封兮周武不我  
好兮狡童顧瞻遺墟兮禾黍芄芄沾丐殊方兮  
一德同風流千百世兮伊誰之功吁嗟三尺兮  
封土宜崇

鼓坎坎兮笛聲悠悠酒欣欣兮更進肴羞東人  
報祀兮不爽春秋冀神來遊兮慰我夷猶戒我  
東人勿剪松楸畱此美蔭兮永蔽斯丘吁嗟此  
外兮亦又何求

王敝辭蔭夏木兮重陰薶荆榛兮草湮望孤墳兮  
何許蔽木蘭兮高岑碑剝落兮霜雪侵風蕭蕭  
淅煩襟郊鄩定鼎兮久淪沒八條垂教兮以迄  
于今嗚呼道脉相延兮曠百世而同心

瓊臺兮瑤宮紂惡貫盈兮黃鉞載東棄老成兮  
用揜克盛女謁兮比頑童故都陞沉兮其麥芘  
芘新封肇造兮載振儒風海壖向化兮仰厥神  
功有廟翼翼兮祀典攸崇

雨冥冥兮江悠悠奠椒漿兮羅珍羞玄堂秘兮  
閱千秋九疇叙兮垂遠猷墓木昂霄兮白楊山

楸滄淚交橫兮過此山丘彼昏不知兮謂我何求

唐臯辭山高高兮白雲深樹藹藹兮氣蕭森封若  
堂兮俯城陰石獸危兮古猶今嗟我家兮大江  
南渺三韓兮辰與參乘使輶兮忽東遊絕鵬綠  
兮江之潯踰重山兮復嶺豈曰勞兮匪任近平  
壤兮數里譯指予以墓林曰箕子兮化鶴藏於  
是乎冠簪迴我車兮欲徃奠椒酒兮躬斟路崎  
嶇以盤紆橫滄泗兮浪淋嗟有商之末造兮胡  
獨夫之荒淫豈無器之可抱兮與可剖維此心



奈象箸之不可諫兮又何有乎于王之箴明夷  
于火之伏地兮道始顯於周王之虛衿裂朝鮮  
以啓封兮均日月之照臨蓋爲賓而不臣兮又  
豈乏毛革之與璆琳冒東土之有思兮潤草木  
其如霖宜東人之享祀兮粉松花而糕山蔘駕  
蒼虬而倏降兮神洋洋其來歆願福此東之人  
兮靖惡氣與妖祲東人世世守墓祀兮牛羊勿  
其來侵國與皇明相終始兮賜有筐而貢有  
琛

李荇辭鬼山峙兮窈澥松檜蔚兮木林肅祠宇兮

陰陰穆享祀兮迄今墳三尺兮面南邈故國兮  
商參昔周之不臣夫子兮胙茅土於泚之潯彼  
狡童之敗度兮委大器兮莫之任宮室兮瓊瑤  
酒爲池兮肉林囚舊成而罔念聞兮寵廡來兮  
纓簪鼓千人而牛飲兮醕有甚於長夜之斟若  
大水漫漫而無津兮陰雨又從而淋淋豈獨朝  
家之陸沉兮舉四海其浸淫嗟夫子罔知攸濟  
兮托悲操於琴心旣忠肝之見剝兮何象箸之  
可箴知麥秀於達道兮涕泣下而沾襟余豈難  
夫一死兮仰昭昭其有臨惟九疇不可以無傳

兮重一言於球琳汪餘澤於吾東兮類大旱之  
甘霖赫使節之經過兮奠桂酒兮肴蓼明神之  
愈久而不昧兮尚彷彿其顧歆百靈儼其護衛  
兮祥飈掃其氛祲視梓木如甘棠兮又何有乎  
斧斤之侵展清辭而三復兮懿玉人兮國之琛  
龔用卿辭溪窈窕兮山溪城矗矗兮樹陰瞻墓門  
兮有棘廣封土兮三尋雲霏霏兮碧霞岑斷樵  
採兮狐兔侵傷大賢兮古道敬奠拜兮涕交襟  
嗚呼思伊人而不可見兮空惆悵乎此心

鄭士龍辭一徑繚兮雲深萬松鬱乎交陰瞻墓林



兮起敬停余蓋兮來尋聲一辨兮陟高岑勿樵  
牧兮荒隧侵數八條兮式後俾東人兮襲冠襟  
吁嗟晦明夷而遂不臣兮增有感乎余心

吳希孟辭天地裂兮洪濛日月蔽兮矇矓問我道  
兮周武囚我身兮狡童恫湯澤兮已矣當此際  
兮何從悲斯生兮不偶率遺民兮自東論三仁  
兮若異揆一道兮則同神渺渺兮在表風颼颼  
兮來松潔辦香兮致慕拜孤墳兮維崇嗚呼九  
疇有範八條無窮變夷爲華伊誰之功

鄭士龍辭鴻緒接兮昏濛罔宇宙兮矇矓天實厭

兮商德又何尤兮頑童任囚奴兮不去悵余身  
兮無從道在我兮罔僕竟胙土兮居東陳九疇  
兮敷八條推吾民兮胞同睠化鶴兮有封鬱蒼  
雲兮檜松儼弭節兮虔拜仰高山兮軼崇鳴呼  
身阨無時澤流不窮蕉荔千秋永食其功

許國辭夫子奈何去中土兮塊獨處此遐陬周旣  
釋而訪道兮豈夫子乎忘仇余竊悲夫子之志  
兮遭殷社之旣屋寧爲殷之囚奴兮罔於周乎  
臣僕吾罪旣當髡鉗兮又胡可辱中土之衣冠  
無寧被髮而裔居兮實吾心之所安望首山而

佗傺義不食周之士彼氓固有志兮矧吾曩又  
爲輔麥秀漸漸兮傷殷故墟想九州無尺土兮  
吾安適歸抱禹範而西陳兮浮遼海而東去飄  
翩翩其不可羈兮晞吾髮兮扶桑之嶼甘海濱  
之寂寞兮吾不失殷之逋囚生可以與微居兮  
歿可以與干遊朝日照吾之衷曲兮滄波洗吾  
之詬辱宋不祀而周爲墟兮夫尚仍殷先王之  
舊物採山薇以爲羞兮酌野泉而酌之靈恍惚  
其格余兮乘白馬之翰如亂曰已矣哉骨則委  
於平壤兮心寧忘夫亳都魂兮歸來逝將從殷



先王之所居

操

金時習操商祚昌兮共昌商祚亾兮共亾余悲不  
遠鑑在夏后之世兮獨忘我湯祖之典章若涉  
水無津涯渙兮莽洋洋之不可當浩漶漶之無  
垠兮吾獨何爲而彷徨天不涸爾以酒兮我何  
沉醺而猖狂罔晝夜以淫佚兮眇憂思之不可  
長白日忽以冥冥兮鵙梟鳴而翱翔鳳麟依彼  
枳棘兮猿狖恣以跳梁撫琴操以自悲而仰瞻  
天胡爲蒼蒼

我皇祖征彼夏兮慰民厭夏之狂攘指時日以  
曷喪兮余及女而偕亡天既命以討罪兮又命  
我祖貽謀以永昌何後王之不迪兮故離此灾  
殃顧前後而無逭兮覽上下而哀翔如彼涸池  
之魚兮竟爛亡而誰謂傷民胥怨而共對兮開  
如蜩而如蟬罔小大而卒喪我何遘此禍之難  
襮

冀王心之少悛兮望脩門而杼情王何爲而不  
省兮貽我憂而如醒哀宗社之將覆憂國祚之  
將傾時已邁而猶耽樂兮恣滛荒而無央將遠

逝而流兮瞻城闕而惻惻欲淹留而無所正  
顧形影而自驚吾夫誰與共理兮吾奈何以爲  
生抱悲憤以撫琴兮聲將絕而復鳴覽光景以  
獨哀兮時冉冉不可再更

龔用卿操思彼狡童兮謂我何求人事已去兮社  
稷誰謀瞻此故宮兮禾黍油油嗚呼蒼天兮於  
我何尤身可去兮心胡以寧生可棄兮死胡以  
成我爲奴兮國尚可以圖生吁嗟乎臣罪常囚  
兮君王聖明

華察操吾聞其名兮未見其人吾見其墓兮吾傷



吾心鳥啾啾兮樹陰陰山空空兮雲沉沉大賢  
去兮吾焉尋惟曠世之相感兮有範至今下車  
展拜兮肆躑躅而悲吟酌莽漿于一滴兮澆千  
古之腎襟

蘓世讓操嗚呼奈何兮孰知余此心仰視天宇兮  
白日陰元良已喪兮忠沉沉王子又去兮墜緒  
胡可尋隱忍被髮兮越至于今琴操兮慙語麥  
歌兮苦吟潛思泣血兮血下霑襟

薛廷寵操繫玄鳥兮天命商世哲后兮祚靈光胡  
末造兮天無良我求我靖兮獻于先王吁嗟兮

我心孔疚兮謂我爲狂

瞻彼景山兮高巍巍帶河水兮受命宜國不祀  
兮鍾簴移我爲奴兮皇皇何之吁嗟兮我生不  
辰兮逢此百罹

蕪世讓操天疾威兮不祚我商目眇眇兮未見日  
光人其聖善兮我無良欲帽我面兮著我先王  
吁嗟兮我寧爲奴兮寧忍發出狂

河水縈迴兮亳山峨嵬殷受命兮百祿是宜命  
之靡常兮今已移身何奴兮又安去之吁嗟兮  
不祥之寶兮我獨罪罹

歌

金時習云平壤民俗好淫祀取其有功德者歌之  
擬楚辭九歌歌曰天命兮玄鳥錫勇智兮載肇  
終淵藪兮潰且焚壑不播兮姬垣訪陳範兮助  
風譏分茅土兮天塹長江兮如帶原濕兮棧棧  
聿來兮浚澮荏菽兮旆旆牖頑兮八條靈胡不  
來以消逢鼓瑟兮吹簫以濩兮以韶靈之來兮  
孔子酌鬯兮典學禮貌兮蘊蹇靈脩兮來歡歌  
盛德兮未闌

贊



司馬遷曰嗟箕子乎嗟箕子乎正言不用乃反爲

奴

陶淵明曰去鄉之感猶有遲遲矧爾代謝觸物皆  
非哀哀箕子云胡能夷狄童之歌淒矣其悲

李太白曰文王姜里箕子明夷苟非其時聖賢低  
眉

司馬貞曰殷有三仁微箕紂親一囚一去不顧其  
身頌美有客書稱作賓卒傳家嗣或敘彛倫

東峯金時習曰紂爲玉杯箕子甚患紂爲滔泆箕  
子極諫不聽而囚人曰可去子曰若去彰惡自

譽被髮佯狂爲奴隱處彈琴自悲此情雖語千  
載有知我志應著唐柳作碑其文可據世雖遠  
而惟爾能恕

栗谷李珥曰猗歟太師運遭明夷內貞而晦制義  
隨時被髮操音惟天我知宗國旣淪嗚呼曷歸  
法授蒼姬身蒞青幾誕闢土宇樂浪作京鰈域  
長夜肇昭日星禁設八條文宣禮樂江清大同  
山重太白子孫繩繩千祀是百五世不斬迄受  
遺澤報祀仁辟極天如昨

出寶記

聖賢將臨二報濟天故非

出

其意本曰...

其外...

其外...

其外...

其外...

其外...

其外...

箕子志卷之五



奉聖旨令侍從差限三日集議聞奏臣方欲赴  
臺集議忽聞朝廷已別差官前去宣諭即與衆官  
具狀申省別聽指揮外臣竊有愚見恐恐言之不  
及有誤伏願聖先具奏聞者



